

## Cyngor Cymuned Dolbenmaen

Cofnodion cyfarfod misol y Cyngor a gynhaliwyd ar yr 8fed o Fawrth 2018.  
(Gohiriwyd cyfarfod 1af o Fawrth oherwydd y tywydd)

- 1 Presennol - John Jones (Cadeirydd) Anwen Humphreys Maldwyn Owen - Garndolbenmaen, Richard Williams Gwilym Evans - Prenteg, Richard Parry - Bryncir, Gwenno Emlyn Huws - Penmorfa, Huw Pritchard,- Pentrefelin, Megan Lloyd Williams - Golan.

Cydymdeimlwyd gyda'r Cynghorydd Anwen Humphreys ar ei phrofedigaeth ddiweddar o golli ei chwaer.

- 2 Ymddiheuriadau - Gareth Jones, Clifford Williams, Amanda N Owen, Dafydd Thomas, Eifion Williams, Delyth Evans, Edward Evans, Cynghorydd Stephen Churchman.

- 3 Ddim yn bresennol - neb.

- 4 Datgan Buddiant - Eitem 5 MLW Aelod o Gorff Llywodraethol Ysgol y Gorlan, Tremadog. Eitem 10 GEH Aelod o Bwyllgor Cae Chwarae Penmorfa.

- 5 Cywirdeb y cyn-gofnodion - Cofnodion - 1/2/18.  
Eitem 4 Datgan Buddiant - Eitem 12 Delyth Evans yn aelod o Bwyllgor Cyfeillion Ysgol y Gorlan a Gwenno Huws yn aelod o staff. Ychwanegu a dod a'r Cofnodion yn nôl i'r cyfarfod nesaf i'w cymeradwyo.  
Eitem 10 Gwefan cyfeiriadau e-bost - Torri Adran 7 Penderfyniadau Blaenorol o'r Rheolau Sefydlog - "Ni fydd penderfyniad yn cael ei ddadwneud o fewn chwe mis ac eithrio naill ai trwy gynnig arbennig .....".  
Rhoddion ariannol - derbyn ceisiadau hwyr. Penderfynwyd bod angen trafodaeth ynglŷn â'r modd o ddelio gyda rhain. Richard Parry yn cynnig a Maldwyn Owen yn eilio.

Cyrhaeddodd y Cynghorydd Gwenno Huws y cyfarfod.

- 6 Materion yn codi o'r cyn-gofnodion

Camerau Diogelwch - Clerc wedi cysylltu gyda Dewi Evans, Swyddog Troseddu Cefn Gwlad, Heddlu Gogledd Cymru, ond penderfynodd peidio mynychu'r cyfarfod o'r Cyngor nes bydd mwy o fanylion ar gael.

Penmorfa - Cynllun draenio dŵr wedi ei gwblhau. Angen monitro'r sefyllfa ar ôl tywydd garw.

Cae Chwarae Penmorfa - Ni chynhaliwyd y cyfarfod rhwng y Cadeirydd, Is-gadeirydd a'r Cynghorydd Gwenno Huws oherwydd gwaeledd.

Eitem caeëdig.

Mewnfudwyr - Derbyniwyd ateb gan yr Adran Rhyddid Gwybodaeth. Nid yw'n bosib iddynt ryddhau enwau a chyfeiriadau unigolion sy'n symud i'r ardal o dan yr egwyddor gyntaf o'r Ddeddf Diogelu Data.

Materion Priffyrdd- derbyniwyd llythyr gan yr Adran Priffyrdd yn nodi fod y materion dan sylw wedi eu trafod gyda'r Cynghorydd Gwilym Evans. Adroddwyd nad yw'r gwaith wedi ei gwblhau yn gywir.

Pont y Traeth - Clerc i gysylltu gydag Osian Richards i ofyn am ddiweddariad ar y sefyllfa.

7 Mynwentydd - Dim i'w adrodd.

8 Llwybrau Cyhoeddus

Rhif 1 Mynydd Glas i Garreg Lwyd Garndolbenmaen - dŵr yn cronni.  
Rhif 3 - 4 Pant i Bronheulog, Brondirion i Llechwedd Garndolbenmaen - coeden ar draws y llwybr.

Clerc i gysylltu gyda Dewi Owen, Uwch Swyddog Hawliau Tramwy, Cyngor Gwynedd i drefnu i un o'i swyddogion cyd-gerdded y Llwybrau gyda'r Cadeirydd.

9 Adroddiad Pentrefi -

Garndolbenmaen

Tŷ Tafarn Cross Foxes - Mae Cymdeithas Gymunedol Garndolbenmaen wedi trefnu cyfarfod yn y Neuadd, nos Iau, 15fed o Fawrth i drafod y bwriad i brynu'r Cross Foxes. Bydd y Cadeirydd yn mynychu'r cyfarfod.

10 Tendrau - Torri gwair Mynwentydd, Llwybrau Cyhoeddus, Cae Chwarae Penmorfa a Man Waith.

Agorwyd yr amlenni yn y cyfarfod gyda'r Cyngorwyr yn bresennol. Penderfynwyd fel a ganlyn -

Llwybrau 1 - 10 - Idris Jones.

Llwybrau 11 - 18 - Dylan Edwards.

Mynwentydd Bethel, Prenteg, Cwm Pennant - Idris Jones.

Mynwentydd Hen Fynwent, Ty'n Llan, Penmorfa, Mynwent Uwch y Llyn - Dylan Edwards.

Cae Chwarae Penmorfa - Aled Jones.

Gwilym Evans yn cynnig a Megan Lloyd Williams yn eilio.

Penderfynwyd gofyn i'r Contractwyr yrru bil yn fisol.

11 Cadarnhau trefniadau'r Cyfarfod Blynyddol - Penderfynwyd cynnal y Cyfarfod Blynyddol yn Neuadd Penmorfa. Clerc i gysylltu gydag Ysgrifennydd y Neuadd.

12 Rheolau Sefydlog a Chod Ymddygiad - Adolygwyd y Rheolau Sefydlog. Adroddodd y Clerc ei bod wedi derbyn copi cyfredol o'r Cod Ymddygiad gan Gyngor Gwynedd.

13 Teyrnged Cenedl (Nation's Tribute)

Penderfynwyd peidio cymryd rhan yn y deyrnged swyddogol genedlaethol, ond trefnu coffâd ar raddfa fach.

14 Unllais Cymru

Penderfynwyd peidio cwblhau'r arolwg ar yr adolygiad Cyngorau Thref a Chymuned.

15 Camerau Diogelwch - Penderfynwyd cael trafodaeth bellach ar ôl derbyn mwy o wybodaeth.

16 Gwefan - cyfeiriadau e-bost

Penderfynwyd lansio'r safle we yn ystod mis Ebrill. Bydd newidiadau eraill megis defnyddio Google Drive/cyfeiriadau e-byst Cyngorwyr yn cael eu cyflwyno fesul tipyn, ac yn cyd-redeg gyda'r system bresennol.

17 Gohebiaeth

a Cyngor Gwynedd - Rhybudd cau'r ffordd di-ddosbarth gyferbyn â Phlas Aberdeunant.

Rhybudd cau'r ffordd di-ddosbarth gyferbyn â Bryn Moel, Garndolbenmaen.

b Gweithdy Cyllunio 20/2/18 - dosbarthwyd 11/2/18.

- c Dileu ffioedd llywodraeth leol am gladdu plant.  
ch Gwahoddiad gan Ymddiriedolwyr Bywyd Gwyllt Glaslyn.  
d Rali Goffa Merfyn Hughes Rali Llyn.  
dd Arolwg o'r Trefniadau Etholiadol ar gyfer Sir Gwynedd. Clerc i gysylltu gyda'r Comisiwn Ffiniau a Democratiaeth Leol Cymru i awgrymu'r enw Glaslyn. Hefyd cysylltu gyda Chynghorau Cymuned Beddgelert a Llanfrothen i holi os ydynt wedi trafod y mater.
- e Cynllun Llesiant Gwynedd a Môn - er gwybodaeth.  
f Cymorth Cynllunio Cymru - Hyfforddiant Plas Tan y Bwlch, Maentwrog 8/3/18. Dyddiad wedi newid i 19/4/18 4 yp.  
ff Cyngor Tref Criccieth - diwrnod o rannu atgofion am y rhyfel byd cyntaf 7/3/18.
- g Rhoddion Ariannol - llythyrau/e-byst o ddiolch. Gŵyl Cerdd Dant, Neuadd Pentrefelin, Clwb Ffermwyr Ifanc Dyffryn Madog, Eisteddfod Garndolbenmaen, Canolfan Golan, Cylch Meithrin y Gorlan Fach, Cyfeillion Ysgol y Gorlan. Ychwanegwyd Neuadd Garndolbenmaen.

## 18 Cynllunio

Rhestrau 5/2, 9/2, 19/2.18. Ychwanegwyd rhestr 26/2/18.

### Ceisiadau Cynllunio

#### Cais C18/0040/36/LL

Cais i wneud gwelliannau i'r safle gan gynnwys bloc toiledau newydd, ymestyn trac presennol a darparu llawr caled o dan yr unedau. Maes Carafan Mynydd Du, Criccieth. LL52 OPS. Sylwadau erbyn 1/3/18. Dim gwrthwynebiad.

#### C18/0090/36/LL

Dymchwel estyniadau presennol a throsi cyn adeilad amaethyddol i uned gwyliau hunan gynhaliol. Mynydd Du, Criccieth. LL52 OPS Sylwadau erbyn 2/3/18. Dim gwrthwynebiad.

Ychwanegwyd

#### Cais NP2/16/LB104E

Caniatâd Adeilad Rhestredig am newidiadau i ychwanegu pibellau dŵr glaw allanol ar y drychiadau dwyreiniol a gorllewinol - Tŵr Bryncir, Golan. LL51 9AQ - dim gwrthwynebiad.

## 19 Materion Ariannol

Ceisiadau am arian: Dim.

Monitro'r gyllideb - Cysoni'r banc Hydref - Rhagfyr 2017. Dau Gynghorydd i wirio'r llyfrau yn y cyfarfod nesaf.

Biliau i'w talu	
Cyflog Clerc	= £ 225.64
Ffôn	= £ 10.00
Cyfrifiadur	= £ 15.00
HMRC	= £ 56.40
Aelodaeth Unllais Cymru	= £200.00
Rhent Canolfan Golan	= £260.00
Costau teithio Cynghorwr	= £ 18.00
<u>Ychwanegwyd</u>	
Gwasg y Bwthyn	= £ 22.56
Idris Jones	= £4854.00

Derbyniadau - dim.

Balansau Cyfrifon Banc: Cadw - £20,274.93 Cyfredol - £2,209.23

Penderfynwyd trosglwyddo £3500 o'r Cyfrif Cadw i'r Cyfrif Cyfredol.

20 Dewis gohebiaeth i fynd i'r Wasg -

- Ceisiadau Cynllunio.
- Tendrau.
- Coffau can mlynedd ers diwedd y Rhyfel Byd Cyntaf